

Misch/ vnd mit laxirendem Rosensyrup
mach ein Maßam zu Pilulen.

Wann die Kranckheit noch nicht zur Le-
ber/ vnd forhtn in den ganzen Leib kommen/
wird er bald heyl werden/ vnd genesen. Wenn
sie den ganzen Leib eyngenommen/ spüret man
solchs am Haar außfallen/ vnd Geschwären/
oder wenn sich vberall harte Knorren vnd
auffgeblehete Geschwulst vnd Schmerz er-
zeigen. In diesen Fällen muß man curiren
wie obgedacht. Folgend wollen wir auch vom

Haar außfallt

Haar außfallen reden. Wo dieses ist/ da be-
deuts / die Schwachheit stecke nicht nur in
den Schlären allein / sondern hat weiter ein-
gerissen. Interweilen fängt offtedachte
Schwachheit ohne Geschwär/ ohne Blattern
an der Vorhaut/ vnd an Naturgliedern/an.

Samenfluß.

Bißweilen erregt sich ein Samenfluß von
wegen einer bösen Disposition/ welche die vir-
tutem retentiuam ansicht/ vnd die expulsivā
die böse materi außzuführen/anreiset. Solche
Materi wird durch sonderliche vnd ire eigene
Gänge außgeföhret/ vnd nicht in den Hey-
drüsen zc. gesammelt. Wie schwerlich solcher
Samenfluß gehelet werde/ ist bekant/ stopf-
fen lest er sich nit als bald/ viel weniger wirdt er
mit purgiren (wie oben gemeldet) curiret/ ist der-
wegen keine rechte Gonorrhoea oder Samen-
vnd natürlicher Blutfluß / sondern nur eine
phlegmatische materia / bißweilen mit mehr
scharpffen